

傷寒論彙注精華

第四冊



傷寒論彙註精華卷二

婺源汪蓮石先生編輯

掃葉山房校印

辨陽明病脉證篇

問曰。病有太陽陽明。有正陽陽明。有少陽陽明。何謂也。答曰。太陽陽明者。脾約是也。正陽陽明者。胃家實是也。少陽陽明者。發汗利小便。胃中燥煩實。大便難是也。原文

陽明之上。燥氣主之。太陽之標熱。合陽明之燥熱。併於太陰脾土中。脾之津液。為其所灼而窮約。燥氣者。陽明之本。太過則無中見太陰之濕化。所以胃家實。少陽之上。相火主之。病在少陽。誤發汗利水。則水穀之津液耗竭。相火熾盛。則胃中燥。陳氏



沈堯封曰。此陽明之提綱。後稱陽明証三字。俱有胃家實。在內。言以手按之。胃中實鞭也。按之石鞭。即名實熱。按之心下濡。即名虛煩。

按此三証。皆由胃家實可下之証也。舒氏

陽明之為病。胃家實也。文原

重言以申明胃家實。乃陽明之為病。非陽明之正氣。張氏

問曰。何緣得陽明病。答曰。太陽病。若發汗若下若利小便。此亡津液。胃中乾燥。因轉屬陽明。不更衣。內實。大便難者。此名陽明也。文原

此太陽病未解之邪熱。因汗下而轉屬陽明。張氏同

以此辨陽明中風之裏証。屬正陽陽明。可下。喻氏



程郊倩曰。汗下利。皆為去邪而設。苟相當。即病解。如其人胃素乾燥。徒亡津液。太陽遂屬轉陽明。謂之奪液成燥也。


問曰。陽明病外症云何。答曰。身熱汗自出。不惡寒反惡熱也。文原
以此辨陽明中風之外証。正兼太陽也。喻氏

問曰。病有得之一日。不發熱而惡寒何也。答曰。雖得之一日。惡寒將自罷。即自汗出而惡熱也。文原

陽明屬金。氣微寒。邪初入故惡寒。及既入於肌肉之分。即從熱化。陳氏

以此辨陽明傷寒之外証。兼太陽也。喻氏
得之一日惡寒者。太陽寒水之氣在表也。張氏

問曰。惡寒何故自罷。答曰。陽明居中土也。萬物所歸。無所復傳。



易寒論

始雖惡寒。二日自止。為陽明病也。

文原

二日為陽明主氣之期。邪有所歸。故惡寒自止。此胃家實也。

陳氏

以此辨陽明傷寒之裏証。屬正陽陽明可下。喻氏

本太陽病。初得病時發其汗。汗先出不徹。因轉屬陽明也。傷寒發熱無汗。嘔不能食。而反汗出濇濇然者。是轉屬陽明也。

文原

此復申明太陽轉屬之証。除過汗亡津外。又有此汗出不徹。或不因發汗。二轉屬之候。合常變而並言之也。陳氏

此言陽明有內外轉屬之不同。發汗不徹。轉屬陽明之在外者也。反自汗出。轉屬陽明之在內者也。則知陽明之轉屬。有內外表裏之異矣。張氏

按傷寒發熱無汗。太陽証也。嘔不能食。太陰証也。俱能轉屬陽明者。六經皆有陽明之謂也。舒氏

傷寒三日。陽明脉大。

原文

莫氏曰。一日在表。二日在腠。三日而交於陽明。故云。

六氣之傳。一日太陽。二日陽明。邪傳陽明。便歸中土。無所復傳。故仍現脉大之陽明也。張氏

三日為少陽主氣之期。病固宜乘其氣而樞轉外出。今脉仍大。是不能從少陽之樞而解也。陳氏

正陽陽明。氣血俱多。其脉必大。喻氏

傷寒太陽脉浮。陽明脉大。少陽脉弦。乃三陽之主脉。三日脉

仍大。則知不傳少陽。而為正陽陽明矣。舒氏



傷寒脉浮而緩手足自溫是為繫在太陰太陰者身當發黃若小便自利者不能發黃至七八日大便鞭者為陽明也

文原

陽明與太陰正氣相為表裏邪氣亦交相維繫

陳氏

脉浮而緩本為表証然無寒熱外候手足自溫是邪已去表入裏脉緩邪在太陰脾脉主緩也大便秘復轉為陽明內實

可下喻氏

傷寒轉繫陽明者其人澀澀然汗出也

文原

繫者虛繫也如日月星辰之繫於天而天體居然不動也

張氏

汗不乾之貌發熱無汗嘔不能食皆傷寒之証本無汗何反

汗不乾可見已轉屬正陽陽明矣既汗出熱除嘔止可知

喻氏

但據汗出澀澀便謂轉屬陽明恐不能無疑必其人惡熱不



惡寒腹滿按痛謔語諸証錯見方為有據否則不足憑也若熱退身涼飲食有味豈非病自解之汗耶。舒氏

陽明中風口苦咽乾腹滿微喘發熱惡寒脉浮而緊若下之則腹滿小便難也。文原

陽邪內入於太陰故脉緊外合太陽故脉浮緊是當外散其風邪。張氏

此條該傷寒而言俱太陽未除之候腹滿為熱入陽明然非大實大滿誤下則外邪乘虛內陷矣。喻氏

陽明之邪瀰滿本位溢出太少二經仲景但戒以不可下未言治法予意可與桂枝厚朴杏仁柴胡黃芩不識當否。舒氏

陽明病若能食名中風不能食名中寒。文原



風能鼓動陽明之氣。寒能拒閉陽明之氣。此特初病則然。陳

脾胃為倉廩之官也。胃合於脾。陽明又以胃氣為本。張氏

風則傷衛。寒則傷榮。何仲景但以能食不能食分風寒。不以

榮衛分風寒耶。蓋陽邪能消穀。陰邪不能消穀。較為有據。喻氏

張蓋仙曰。病在陽明之經。主葛根入裏主白虎入腑主承氣。

不必辨其為風為寒也。乃不察此而斤斤於能食不能食何

為哉。仲景當不若此。

陽明病。若中寒不能食。小便不利。手足澀澀然。汗出。此欲作固

瘕。必大便初鞭後溏。所以然者。以胃中冷。水穀不別故也。原文

不得本氣燥熱之化。則穀不消。四肢為諸陽之本。胃陽虛故

津液外泄。陳氏

汗出者。土氣外虛也。固瘕大瘕泄也。寒邪內結。假氣成形。而為久泄之病。欲作。乃將成未成之意。張氏

若中寒中字。主平聲。言陽明中見之氣虛寒。故水穀不別。蓋陽藉中見太陰之氣化而為胃。消磨其水穀者也。張氏

初鞭後澹。因成瘕泄。瘕泄即澹泄。久而不止。則曰固瘕。喻氏

陽明病。欲食。小便反不利。大便自調。其人骨節疼。翕翕如有熱狀。奄然發狂。汗出而解者。此水不勝穀氣。與汗共并。脉緊則愈。

原文

胃為陽土。風為陽邪。兩陽相得。故初病欲食。少陰主骨節。不得少陰。癸水以相合。故痛。與汗共并。即戰慄。汗解之義。陳氏

馬氏曰。水不勝穀食。乃少陰腎水不勝陽明穀氣。汗出而解。



戊癸合化之意。上節論太陰。此節論少陰也。

此是胃氣有權。能驅陽明之水與熱共汗而併出也。脉緊則胃強。若遲則胃中虛冷。不能透而為汗。此胃強能食脉健之人。所以得病易愈也。喻氏

此証妙在欲食。可徵胃氣有權。骨節疼者。濕邪阻滯經絡也。

舒氏

陽明病欲解時。從申至戌上。

原文

陽明旺於申酉。若胃家實之証。值旺時更見發狂譫語。陳氏

按六篇欲解各從六氣旺時。則六氣言正而不言邪。蓋可見

矣。張氏

凡病欲解時。必從其經氣之旺。以正氣得旺時則能勝邪也。

乃陽明之潮熱獨作於申酉戌者。又以腑邪實盛正不能勝。惟乘旺時而僅與一爭耳。一從旺時而解。一從旺時而潮熱。各有自然之理也。舒氏

陽明病不能食。攻其熱必噦。所以然者。胃中虛冷故也。以其人本虛。故攻其熱必噦。原文

合下三節。首言胃府虛。次言經脉虛。末言皮腠虛。故末結曰。此以久虛故也。張氏

高子曰。噦當作呃。詩云。鑾聲噦噦。謂呃之發聲有序。如鑾聲之有節奏也。遍閱諸經。止有噦而無呃。凡言噦俱當作呃解。程郊倩曰。平素本有虛寒。法以溫裏為本。凡病任有邪熱。俱當標視之。陽明固然。他經亦可例矣。



攻熱。謂寒下之藥也。喻氏

陽明脉遲。食難用飽。飽則微煩頭眩。必小便難。此欲作穀疸。雖下之。腹滿如故。所以然者。脉遲故也。文原

此節文同要畧。要畧曰。穀疸之為病。寒熱不食。食即頭暈。心胸不安。久久發為穀瘵。張氏

內經食氣入胃。濁氣歸心。淫精於脉。脉氣流經。可知自不厭其飽。不能散達經脉。只留滯於胃。濁氣歸心。則煩。不能循經上下行。留滯於中。則欲作瘵。陳氏

按此條為陰黃証。乃由脾胃風有寒濕。茵陳四逆湯加神麴可用。舒氏

陽明病。法多汗。反無汗。其身如蟲行皮中狀者。此以久虛故也。



中醫藥大學圖書館版權所有

文原

內經云。輸經皮毛。毛脉合精。行氣於府。可知內而經脉外而皮毛。皆稟氣於胃。虛則無所稟矣。陳氏

程郊倩曰。衛陽既虛。不能透出肌表。故拂鬱皮中。久虛指胃言。實則為痛。虛則為癢。

胃熱挾寒邪鬱於肌膚。不能透出。非謂當用補也。喻氏

陽明病。反無汗而小便利。二三日。嘔而欬。手足厥者。必苦頭痛。若不欬。不嘔。手足不厥者。頭不痛。文原

欬而嘔。內經所謂邪中於膈。則下陽明是也。手足厥者。胃陽虛寒。其氣不能分布於四肢也。內經陽明之脉循髮際至頭

顙。陽明寒氣牽正氣上逆。故頭痛。陳氏



陽明之氣內合肺金。病氣逆於胸膈。故欬逆。張氏

按陽明病無汗。兼見欬嘔。厥宜葛根合術附姜半以治之。若

為陽明腑証。則厥為陽厥。古人嘔陽中仍兼散逆。舒氏

陽明病。但頭眩不惡寒。故能食而欬。其人必咽痛。若不欬。咽不

痛。原文

程扶生云。陰邪下利。故無汗而小便利。風邪上行。故不惡寒。而頭眩。寒則嘔不能食。風則能食。寒則頭痛。風則咽痛。是風寒入胃之辨。咳出於肺。當云喉嚨。今胃熱甚則咽痛。二者相連。氣必相侵。

咽痛病在陽明。咽接胃本也。夫陽明經脈從大迎下人迎。循

喉嚨入缺盆。循經合肺。故其人必咽痛。張氏

此胃熱挾風邪而上攻之証。喻氏

不惡寒。表已解。能食。胃非虛寒。但以熱邪挾飲為患耳。舒氏

陽明病。無汗。小便不利。心中懊懣者。身必發黃。原文

胃中濕熱盛。必熱從汗泄。濕由便滲。今俱不可得。內外鉅閉。

故懊懣。其發黃可必也。舒氏

陽明病。被火。額上微汗出。小便不利者。必發黃。原文

陽明病。濕停熱鬱。勢必發黃。發黃與前穀疸本同一証。但彼

脉遲。胃冷而得。則與固瘕及臍同源。而與此異派。喻氏

按太陽邪風被火熱。兩陽相熏灼。其身發黃。今陽明亦然。蓋

以津液被劫。無陰以化之也。舒氏

陽明病。脉浮緊者。必潮熱。發作有時。但浮者。必盜汗出。原文

陽明脉之浮緊。即太陽寒傷營之脉也。單浮。即太陽風傷衛之脉也。但傳至陽明。仲景不欲以營衛辨証。而姑變其文耳。

喻氏

按此條。據脉不足憑也。况脉浮緊與潮熱。及但浮與出汗。皆非的對。必有之証。若陽明病潮熱發作有時者。當察其表之解與未解。胃之實與不實。而治法即出其間。若盜汗者。又當視其元氣之虛否。裡熱之盛否。更辨其兼証。庶幾法有可憑。否則非法也。舒氏

陽明病。口燥。但欲漱水。不欲嚥者。此必衄。原文

陽明之脉起於鼻。交額中。還出挾口。熱在經。不在胃。故欲漱不欲嚥。不渴也。不涉火熱之氣化。故不渴。集張陳